

**ԽՈՐՀՐԳԱՅԻՆ ՊԱՇՏՊԱՆԱԿԱՆ ԱՐԳՅՈՒՆԱԲԵՐՈՒԹՅԱՆ
ԵՎ ԴՐԱ ԿԱՌԱՎԱՐՄԱՆ ՀԱՄԱԿԱՐԳԻ ՁԱՐԳԱՅՄԱՆ
ՀԻՄՆԱՓՈՒԼԵՐԸ (1920-1930-ական թթ.)**

ԽԱՉԱՏՐՅԱՆ Կ. Հ.

Ռուսաստանում խորհրդային իշխանության հաղթանակը որակապես նոր իրադրություն արձանագրեց երկրի պաշտպանական (ռազմական) արդյունաբերության ոլորտում: Պետք է նկատել, որ սպառազինություն և ռազմամթերք արտադրելու բնագավառում ցարական Ռուսաստանը ակնհայտորեն հետ էր մնացել ինչպես արևմտաեվրոպական առաջատար երկրներից, այնպես էլ ԱՄՆ-ից: Երկրում թույլ էին զարգացած պաշտպանական արդյունաբերության ողնաշարը կազմող մեքենաշինությունը, մետաղագործական և քիմիական արդյունաբերությունը: Կայսրության մեքենաշինության արդյունաբերության արտադրանքի տեսակարար կշիռը 1913 թ. կազմել է երկրի խոշոր արդյունաբերության ընդհանուր արտադրանքի ընդամենը 7%-ը, իսկ Ռուսաստանի մեքենաշինության տեսակարար կշիռը համաշխարհային մեքենաշինության մեջ չէր անցնում 3,5%-ից¹:

Խորհրդայնացումից հետո հայտնվելով միջազգային քաղաքական և անտեսական մեկուսացման մեջ՝ Ռուսաստանի նոր իշխանությունները պարտադրված էին ներքին միջոցներով հոգալու երկրի պաշտպանական արդյունաբերության զարգացման մասին: Գործնականում դա հնարավոր էր միայն տեղական արդյունաբերության վերազինման և ռազմականացման, պաշտպանական արդյունաբերությունների նոր ճյուղերի ստեղծման միջոցով: Խորհրդային իշխանություններն անմիջապես խիստ հսկողություն սահմանեցին ռազմական գործարանների նկատմամբ՝ դրանց հղորդությունների հնարավոր փոշիացումը կանխելու նպատակով: Խորհրդային իշխանության առաջին իսկ դեկրետով կազմավորված ՌՍԴԽՀ պաշտպանության խորհուրդը ոչ միայն արտակարգ հսկողություն էր իրականացնելու ռազմական կամ ռազմականացված գործարանների նկատմամբ, այլև անմիջապես դիմեց գործունե միջոցների ռազմական արտադրանքը կատարելագործելու և գործարանների թողունակությունը բարձրացնելու ուղղությամբ²: Այդ հարցում Պաշտպանության խորհուրդը սերտ և արդյունավետ համագործակցում էր Համառուսաստանյան ժողտնտխորհի և նրա տեղական մարմինների հետ: Վերջիններս նշանակալի դեր էին կատարելու Խորհրդային Ռուսաստանի պաշտպանական արդյունաբերությունը կազմակերպելու և դրա վերելքն ապահովելու գործում: Խորհրդային նորա-

¹ Տե՛ս Розенфельд С. Я., Клименко Р. И. История машиностроения СССР, М., 1961, с. 96.

² Տե՛ս Коваленко А. А. Оборонная промышленность Советской России в 1918-1920 гг., М., 1970, с. 193.

ստեղծ պետություն համար դա խիստ կարևոր էր, քանի որ հիմնականում դրանից էր կախված խորհրդային իշխանության լինել-չլինելու հարցը Ռուսաստանում քաղաքացիական կռիվների և օտարերկրյա ներխուժման շրջանում: Ուստի պատահական չէր, որ 1918-1920 թթ. խորհրդային երկրի ամբողջ արդյունաբերությունը դործնականում աշխատում էր երկրի պաշտպանականությունը և Կարմիր բանակի ռազմական կարիքներն ապահովելու համար: Ռազմական արտադրանքի թողարկումը շեշտակիորեն ավելացավ հատկապես 1919-1920 թթ., երբ դրեթե սպառված էին նախկին պաշարները, իսկ մեծաթիվ բանակին մատակարարելու համար պահանջվում էին հսկայական քանակությամբ սպառազինություն, ռազմամթերք և հանդերձանք:

Արդեն 1920 թ. վերջին Խորհրդային Ռուսաստանում դրվեց ռազմական արդյունաբերության կենտրոնացված դեկավարման հիմքը, որն ընդհանուր և բնորոշիչ էր այդ տարիների խորհրդային վարչակարգի համար: Վերջինիս կենտրոնում համակարգող մարմինն էր դեռևս 1919 թ. ստեղծված Ռազմական արդյունաբերության խորհուրդը (Ռազմարդխորհուրդ), որի ճյուղային գլխադասային մարմինները կառավարում էին պաշտպանական արդյունաբերության առանձին ճյուղերը:

ՌՍԴԽՀ Ժողովխորհրդի 1921 թ. մարտի 17-ի որոշմամբ՝ Ռազմարդխորհուրդը վերանվանվեց Ժողովրդական տնտեսության բարձրագույն խորհրդին (ԺՏԲԽ) և իրականացնելու էր հետևյալ հիմնական դործառույթները՝ ռազմական արդյունաբերության արտադրական կենտրոնների կազմակերպում, արտադրական կարողությունների համակենտրոնացում և դրանց հետագա զարգացում, պաշտպանական դործարանների միասնական կառավարում և աշխատանքների վերահսկում: ՌՍԴԽՀ ԺՏԲԽ-ի նախագահության 1921 թ. հունիսի 6-ի որոշումով ԺՏԲԽ-ի կառուցվածքում ստեղծվում է Ռազմական արդյունաբերություն գլխավոր վարչություն (Գլխազմարդ): Խորհրդային Միության կազմավորումից հետո ԽՍՀՄ Կենտգործկոմի 1923 թ. նոյեմբերի 12-ի որոշմամբ ՌՍԴԽՀ Գլխազմարդը վերանվանվում է ԽՍՀՄ Գլխազմարդ: Այն իրականացնելու էր հետևյալ հիմնական դործառույթները. ռազմական արդյունաբերության բնագավառում միասնական քաղաքականության մշակում (որը բխելու էր խորհրդային պաշտպանության պետական-կուսակցական դոկտրինից), ռազմական արդյունաբերության բոլոր ճյուղերի միասնական կառավարում և արտադրանքի պլանավորում:

Պետք է նշել, որ ԽՍՀՄ-ում անցումը ՆԷՊ-ից արդյունաբերականացման քաղաքականությանը սկզբնական շրջանում, առաջին

³ Տե՛ս Мухин М. Ю. Эволюция системы управления советской оборонной промышленностью в 1921-1941 годах и смена приоритетов "оборонки" (Отечественная история, М., 2000, N 3, с. 3-4). Տե՛ս նաև Симонов Н. С. Военно-промышленный комплекс СССР в 1920-1950-е годы. Темпы экономического роста, структура, организация производства и управление, М., 1996, с. 38.

Հերթին, արտահայտվում էր պաշտպանական արդյունաբերության կտրուկ զարգացմամբ՝ էներգետիկայի աննախադեպ զարգացմանը զուգընթաց: Եվ սլաոճաուր ոչ միայն այն էր, որ արագացված տեմպերով կառուցվում էին տարբեր ուղղությունների նոր ձեռնարկություններ, այլև այն, որ պաշտպանական արդյունաբերությունը համալրվում էր գործարաններով, որոնք վերապրոֆիլավորվում և քաղաքացիականից անցնում էին ռազմական արտադրության: Պատճառների թվում պետք է նշել նաև 1920-ական թթ. վերջերից ԽՍՀՄ-ում լայնորեն տարածված տեղական կամ հանրապետական գերատեսչական ենթակայության գործարանների պաշտպանական արդյունաբերության միութենական գերատեսչությունների կառավարման ոլորտն անցնելու գործելաոճը: Ավելացնենք, որ որպես խորհրդային ժողտնտեսության կարևորագույն ճյուղ՝ պաշտպանական արդյունաբերությունը սերտորեն շաղկապված էր պետական-կուսակցական ղեկավարման համակարգի հետ, ուստի շատ հեշտությամբ կարող էր ընդգրկվել խորհրդային տնտեսության պլանային, վարչահրամայական համակարգում, դառնալ նրա «առաջամարտիկը»:

Այսինսով, հարկ է արձանագրել, որ խորհրդային տնտեսության համակարգում անցումը վարչահրամայական կառավարման եղանակի առաջինը տեղի էր ունենալու հենց պաշտպանական արդյունաբերության բնագավառում: Եվ դա տրամաբանական էր. ռազմական բարդ տեխնիկայի և սպառազինության արտադրությունը պահանջում էր տասնյակ գործարանների գործունեության խիստ կենտրոնացում և միասնական կառավարում՝ պետական-կուսակցական աչալուրջ հսկողության պայմաններում, երբ յուրաքանչյուր բացթողում ե «վնասարարություն» պատժվում էր ամենայն խստությամբ: Վարչահրամայական կառավարման համակարգն աստիճանաբար հաստատվեց նաև խորհրդային ամբողջ ժողտնտեսության մեջ:

1920-ական թթ. վերջին աշխարհում միջազգային իրադրության կտրուկ սրումը խորհրդային իշխանություններին ստիպեց առավել մտահոգվել երկրի պաշտպանական արդյունաբերության խնդիրներով: Դրանք հատուկ քննարկման առարկա դարձան ՀամԿ(Բ) կենտկոմի քաղբյուրոյի 1929 հուլիսի 1-ի և 8-ի փակ նիստերում: Քննարկումների ընթացքում, 1929 թ. հուլիսի 15-ին քաղբյուրոն ընդունում է «Ռազմական արդյունաբերության մասին» խիստ գաղտնի որոշումը:

Խորհրդային պետության և կուսակցական բարձրագույն ղեկավար մարմինների աչալուրջ վերաբերմունքը ռազմական արդյունաբերության խնդիրներին, նրանց կողմից ձեռնարկված կտրուկ միջոցառումները շուտով տալու էին իրենց դրական արդյունքները: Այդ առումով, առաջին հնգամյակի վերջին տարիները 1931-1932 թթ., բեկումնային կարելի է համարել ԽՍՀՄ ռազմաարդյունաբերության ձևավորման և զարգացման գործում: Աննախադեպ ընդլայնվեցին

⁴ См. «Политбюро ЦК РКП(б) — ВКП(б). Повестки дня заседаний, 1919-1952. Каталог, в трех томах, т. 1, 1919-1929, М., 2000, с. 708.

ռազմական ծրագրերը և պատվերները, երկիրն անցում էր կառավարում ռազմական արտադրանքի բաղադրյալ մասնագիտացված համակարգի ստեղծմանը: Դա պայմանավորված էր Կարմիր բանակի արագ վերադիման հրամայականով: ԽՍՀՄ ժողկոմիորհին կից Պաշտպանության կոմիտեի կողմից (որի նախագահն էր Ի. Ստալինը) 1931-1932 թթ. ընդունված մի շարք հիմնարար որոշումներով ռազմական արտադրանքի գերակա ուղղություններ էին հռչակվում ռազմաավիացիոն արտադրությունը, տանկաշինությունը, ռազմական նավաշինությունը, հրետանային և հակաօդային պաշտպանության համակարգերի, հակաքիմիական պաշտպանության և քիմհարձակման միջոցների արտադրությունը:

Երկրի պաշտպանական արդյունաբերության առջև դրված բարդ և պատասխանատու խնդիրների լուծումը պահանջում էր նաև ոլորտի կառավարման արդյունավետ համակարգի ստեղծում: Պաշտպանական արդյունաբերության ղեկավարման վերը նշված համակարգը, ենթարկվելով վարչակառավարման որոշ փոփոխությունների, ամփոփվեց ԽՍՀՄ ԺՏԲԽ-ի շրջանակով մինչև 1932 թ. սկիզբը, երբ համակարգն արմատական վերափոփոխումների ենթարկվեց:

1932 թ. հունվարի 5-ին ԽՍՀՄ ԺՏԲԽ-ն բաժանվեց ծանր, թեթև և անտառային արդյունաբերության ժողկոմատների: Պաշտպանական արդյունաբերության կառավարումն այսուհետև կենտրոնանալու էր ԽՍՀՄ ծանր արդյունաբերության ժողկոմատի համակարգում ձևավորված Գլխավոր ռազմամոբիլիզացիոն (Գլխառաջամոր) վարչություն մեջ: Այն փաստը, որ ծանր արդյունաբերության ժողկոմ նշանակվեց կուսակցական-պետական փորձառու գործիչ Գ. Օրջոնիկիձեն, որը մինչ այդ, 1920 թ. վերջերից, ԽՍՀՄ ԺՏԲԽ-ի նախագահն էր, վկայում է այն մասին, թե որքան էր կարևորվում ճյուղի գործունեությունը ԽՍՀՄ ղեկավարության կողմից: Ի դեպ, Օրջոնիկիձեն մնաց ժողկոմի պաշտոնում մինչև իր ողբերգական մահը 1937 թ. փետրվարի 18-ը:

Նշենք, որ եթե 1929 թ. դրությամբ խորհրդային պաշտպանական արդյունաբերությունը ներառում էր 52 ձեռնարկություն, ապա արդեն 1932-1933 թթ. Գլխառաջամոր վարչության մեջ կենտրոնացված էին 127 ձեռնարկություն: Դրանք ներգրավված էին արտադրության հետևյալ հիմնական ճյուղերում՝ ավիացիոն, հրետանային-դինամոցային, զինագնդացրային, փամփուլոնների, արկերի և արկերի պայթուցիչների, տանկերի և զրահամեքենաների արտադրություն, ռազմաքիմիական և այլն⁵: Ռազմապաշտպանական ձեռնարկությունների գերակշիռ մասը տեղակայված էր ՌՍԴԽՀ տարածքում (մեծ մասը՝ Մոսկվայում և շրջանում), մի քանի ձեռնարկություն (հիմնականում ռազմաավիացիոն արտադրության) գտնվում էին Խորհրդային Ուկրաինայում:

Պաշտպանական արդյունաբերության առջև պետության կողմից դրված հսկայածավալ առաջադրանքներն իրականացնելու համար 1932 թվականից կտրուկ ավելացվեցին ոլորտում ֆինանսական

⁵ Сб'у Мухин М. Ю., նշվ. աշխ., էջ 6-7:

ներդրումների ծավալները: Երկրի ռազմական բյուջեն արձանագրեց մինչև 120% աննախագես աճ, ընդ որում ներդրումների ծավալներն աճեցին հատկապես ավիացիոն և տանկաշինության ոլորտներում: Միասին վերցրած՝ դրանք կազմում էին ռազմական արդյունաբերության մեջ բոլոր ներդրումների շուրջ մեկ երրորդը⁶:

Այսպիսով, ռազմական արտադրանքի բնագավառում առաջնությունը ԽՍՀՄ-ում տրվում էր ռազմաավիացիոն արտադրությանը: Հետաքրքիր է, որ արդեն 1930-ական թթ. խորհրդային ռազմական արդյունաբերության ձեռնարկությունների շուրջ մեկ երրորդը (127-ից 41-ը) կազմում էին ավիացիոն ձեռնարկությունները, ինչը վկայում է ճյուղի նկատմամբ խորհրդային իշխանությունների հատուկ ուշադրության մասին: Ավիացիոն արտադրության, այդ թրվում՝ ինքնաթիռաշինության, ոլորտում կտրուկ զարգացման դորձընթացը ԽՍՀՄ-ում սկսվել էր դեռևս 1920-ական թվականների վերջից և հաջողությամբ շարունակվեց հետագա տասնամյակներում: Իրականացված միջոցառումների շնորհիվ ավիացիոն արդյունաբերության արտադրանքի տեսակարար կշիռը, համեմատած ռազմական այլ արտադրանքի հետ, կտրուկ աճ արձանագրեց: Ուստի սլատահական է, որ «առաջին հնգամյակի չորս տարում ավիացիոն արդյունաբերությունը թողարկեց 4.289 ինքնաթիռ՝ երկու անգամ ավելի, քան խորհրդային իշխանության անցած բոլոր տարիներին»: Իսկ արդեն 1936 և 1937 թթ. յուրաքանչյուր տարի ԽՍՀՄ-ում արտադրվում էր այնքան ինքնաթիռ, որքան առաջին հնգամյակի տարիներին⁷: Արդյունքներն, իրոք, տպավորիչ էին:

1930-ական թթ. սկիզբը բեկումնային էր նաև ԽՍՀՄ տանկաշինության և ռազմական նավաշինության ոլորտներում: Եթե ավիացիոն արդյունաբերության ճյուղը Ռուսաստանում գոյություն ուներ դեռևս դարասկզբից, իսկ նավաշինությունը՝ շատ ավելի վաղ ժամանակներից, ապա տանկաշինությունը լիովին նոր ճյուղ էր: ԽՍՀՄ-ը սեփական տանկեր սկսեց արտադրել միայն 1931 թվականից, այն էլ խիստ սահմանափակ քանակով: Երկրում ծավալված «Տանկային մեծ ծրագիրը» թեև իսկույն հայտնվեց խորհրդային ղեկավարության, այդ թվում՝ Ի. Ստալինի անմիջական ուշադրության կենտրոնում, այնուամենայնիվ, խիստ դանդաղ էր իրացվում: Պատճառներից հիմնականը զրահանյութի և արդիական սարքավորումների, ինչպես նաև որակյալ կադրերի սահմանափակ լինելն էր: Տանկաշինության ոլորտում դժվարությունները ԽՍՀՄ-ում հալթահարվեցին միայն Երկրորդ համաշխարհային պատերազմի նախօրյակին, երբ երկիրը յուրացրեց տարբեր մակնիշների ծանր տանկերի արտադրությունը: Երկրորդ հնգամյակի տարիներին՝ 1933-1937 թթ., բոլոր զարգացում ապրեց նաև ռազմական նավաշինությունը, հատկապես սուզանավաշինությունը: Այդ տարիներին

⁶ Sh'u Davies R. W. *Crisis and Progress in the Soviet Economy. 1931-1933 (The Industrialisation of Soviet Russia)*, London, 1996, p. 169, 312.

⁷ Sh'u Шумихин В. С. *Советская военная авиация, 1917-1941*, М., 1986, с. 155, 157.

ԽՍՀՄ-ում արտադրված 345 ռազմական նավերից 137-ը սուզանավեր էին⁸:

Նշված ժամանակաշրջանում Խորհրդային պաշտպանական արդյունաբերության զարգացման դերակա ուղղություններից էին նաև հրետանային դինամիկայի, հակաօդային պաշտպանության համակարգերի ստեղծումը, դրանց համար ռազմամթերքի արտադրության և ռազմաքիմիական արդյունաբերությանը: Եթե առաջին հնդամյակում ռազմական արդյունաբերության նշված ճյուղերում աշխատանքներն անբավարար էին և նախատեսված ծավալները հիմնականում թերակատարվում էին, ապա արդեն երկրորդ հնդամյակում դրվեցին զարգացման ամուր հիմքերը:

ԽՍՀՄ ռազմաքիմիական արդյունաբերության առաջատար ձեռնարկություններից էր դառնալու երկրի կառավարության 1933 թ. մայիսի 11-ի թիվ 931 որոշմամբ Խորհրդային Հայաստանում՝ Երևանի մերձակայքում, կառուցվելիք սինթետիկ կաուչուկի (ՍԿ) գործարանը: Որոշման ընդունման գործում մեծ էր ԽՍՀՄ ծանր արդյունաբերության ժողկոմ Գ. Օրջոնիկիձեի դերը: Աշխատանքները ֆինանսավորվելու էին նրա ղեկավարած ժողկոմատի միջոցներից: Կառավարության որոշումը ստորագրել էր ԽՍՀՄ Ժողկոմխորհի նախագահ Վ. Մուրոմովը: Կարելի է արձանագրել, որ գործարանը՝ «ՍԿ Սովպրեն» (հետագայում՝ «Նաիրիտ») դիտարկարական միավորումը, դառնալու էր Հայաստանում պաշտպանական արդյունաբերության ոլորտի առաջնելը: Ի կատարումն ԽՍՀՄ կառավարության 1933 թ. մայիսի 11-ի որոշման՝ ՀՍԽՀ Ժողկոմխորհը 1933 թ. հունիսի 7-ի և հունիսի 19-ի նիստերում լսում է գործարանը կառուցելու մասին կառավարության նախագահ Սահակ Տեր-Փաբրիելյանի զեկուցումը: Շինարարությունը ժամանակին ավարտելու և «ՍԿ Սովպրեն» գործարկումը հաջողությամբ իրականացնելու համար ընդունվեցին միջոցառումների համալիր ծրագրեր: Գործարանի կառուցման և շահագործման հանձնելու ողջ ընթացքը գտնվում էր ինչպես ՀԿ(բ)Կ կենտկոմի ե ՀՍԽՀ կառավարության, այնպես էլ ԽՍՀՄ ղեկավարության աջալուրջ հսկողության ներքո:

Երկրում արհեստական կաուչուկի արտադրության կազմակերպումը սկզբունքային նշանակություն ուներ ԽՍՀՄ-ի համար: Ռազմական արտադրանքի համար խիստ կարևոր այդ հումքը վերջինս ստիպված էր թանկ գնով ներմուծել արտասահմանից: Ուստի Հայաստանում արհեստական կաուչուկի արտադրության կազմակերպումը միտված էր մոտ ապագայում վերացնելու արտասահմանից ԽՍՀՄ-ի կախվածությունը: Նշենք, որ քլորոպրենային կաուչուկի առաջին արտադրանքը «ՍԿ Սովպրեն» գործարանը թողարկեց 1940 թ. մարտից⁹:

⁸ *Տե՛ս* Отечественный военно-промышленный комплекс и его историческое развитие, под ред. Бакланова О. А., Порогина О. К. и др., М., 2005, с. 460.

⁹ *Տե՛ս* Փետրվարի 11-ի, Մեծ քիմիայի «առեղծվածը», Ե., 2010, էջ 41-44:

¹⁰ *Տե՛ս* Հայոց պատմություն, հ. IV, գիրք առաջին (Նորագույն ժամանակաշրջան. 1918-1945 թթ.), Ե., 2010, էջ 460:

1935 թ. վերջերից ԽՍՀՄ «սլաշտպանական» ոլորտի կառավարման վարչական համակարգում դարձյալ արմատական փոփոխություններ արձանագրվեցին: 'Իս սլաշտպանավորված էր խորհրդային պետական և կուսակցական բարձրագույն ղեկավար շրջաններում տեղի ունեցող խմբակային պայքարով, ինչպես նաև երկրում ծավալվող քաղաքական բռնություններով: Մյուս կողմից 1930-ական թթ. երկրորդ կեսից վտանգավոր լարվածություն էր առաջացել միջազգային հարաբերություններում կապված ֆաշիզմի տարածման և գերմանական բլոկի երկրների զավթողական ծրագրերի աշխուժացման հետ: Հերթական «ռազմական տագնապի» պայմաններում խիստ հրատապ էր դառնում սպառազինության, ռազմամթերքի, բանակային կապի, քիմպաշտպանության և քիմհարձակման միջոցների, զինվորական հանդերձանքի արտադրանքի չափերի կրտսրուկ ավելացումը, մանավանդ որ Կարմիր բանակի անձնակազմի թվաքանակը գրեթե կրկնապատկվել էր: Երկրի զինված ուժերի քանակը 1933 թ. 885 հազարից 1937 թ. հասել էր 1,5 միլիոնի¹¹:

Շուտով լուծարվում է ԽՍՀՄ ծանր արդյունաբերության ժողովրդատի Գլխառնագծոր վարչությունը, իսկ նրա ենթակայության տակ գտնվող պաշտպանական արդյունաբերության ձեռնարկությունները խմբավորվում են երկու նորաստեղծ գերատեսչությունների՝ Ռազմական արդյունաբերության գլխավոր վարչության և Ռազմամթերքների գլխավոր վարչության շրտնակներում: Իսկ արդեն ԽՍՀՄ Կենտգործկոմի 1936 թ. դեկտեմբերի 8-ի որոշմամբ երկրի ռազմական ողջ արդյունաբերությունը կենտրոնացվում է ԽՍՀՄ պաշտպանական արդյունաբերության առանձին ժողովրդատի համակարգում: Սա, մեր կարծիքով, շրջադարձային քայլ էր ԽՍՀՄ տնտեսության «պաշտպանական» համակարգի հետագա զարգացման համար պաշտպանական (ռազմական) արդյունաբերությունն աստիճանաբար և հաստատուն կերպով ստանձնում էր խորհրդային Միության ժողտնտեսության անվիճելի «լոկոմոտիվի» գերը:

Սակայն ամեն ինչ չէ, որ հարթ էր ընթանում խորհրդային երկրում, այդ թվում «պաշտպանական» ոլորտում: Այս առումով հատկանշական է Ի. Ստալինի կողմից դեռևս 1936 թ. ապրիլի 8-ին ոլորտի պատասխանատու Գ. Օրշոնիկիձեին տրված հանձնարարականը. «Ռազմական արդյունաբերությունում դործը գեռ գժվարությամբ է առաջ դնում: Հարկավոր է գազանի համառությամբ զարկ տալ ավիացիայի, հրետանու (զարգացմանը — Խ. Կ.), արտադրանքի որակին (որակի՞ն)»¹²:

Բացի այն, որ խորհրդային ողջ տնտեսությունը 1936-1937 թթ. հայտնվել էր ճգնաժամային իրավիճակում (չէին կատարվում պետական պատվերներն անգամ դերակա նշանակություն ունեցող պաշտպանական արդյունաբերության ոլորտում, մեծ չափերի էին հասնում վնասարարությունը, արտադրանքի խոտանը և այլն),

¹¹ Տե՛ս Симонов Н. С., նշվ. աշխ., էջ 91:

¹² Տե՛ս Быстрова И. В. Советский военно-промышленный комплекс: проблемы становления и развития (1930-1980-е годы), М., 2006, с. 138.

1937 թ. երկրում ծավալված քաղաքական բռնաճնշումների դոճ դարձան աասնյակ հազարավոր որակյալ մասնագետներ և կադրեր: Բացառություն էր կազմում թերևս ավիացիոն տրեյդունաբերության ոլորտը, որտեղ, ինչպես վերը նշվեց, 1936-1937 թթ. արձանագրվեցին լուրջ հաջողություններ:

ԽՍՀՄ տնտեսությունում ստեղծված ծանր դրությունը, ինչպես նաև միջուկային ասպարեղում լարվածության կտրուկ աճը, խորհրդային ղեկավարությանը ստիպում էր դիմել առավել կտրուկ միջոցների «պաշտպանական» ոլորտում կուսակցական-պետական մարմինների վերահսկողությունն ուժեղացնելու համար: Այդ նպատակով ԽՍՀՄ Ժողկոմխորհի պաշտպանության կոմիտեին կից 1938 թ. կազմավորվում է ռազմաարդյունաբերական հանձնաժողով, որի վարույթում էին կենտրոնանալու այն գործառույթները, որոնք բխում էին երկրի տնտեսությունը և արդյունաբերությունը հնարավոր պատերազմին նախապատրաստելու հրամայականից: Հանձնաժողովի գլխավոր ինդիրն էր մոբիլիզացնել պաշտպանական արդյունաբերության բոլոր ռեսուրսները սպառազինության արտոդրման և Կարմիր բանակի ու ռազմածովային ուժերի մատակարարման առաջադրանքների (որոնք նախանշում էր Պաշտպանության կոմիտեն) կատարումն ապահովելու համար: Ռազմաարդյունաբերական հանձնաժողովը ոլորտում իրականացնելու էր նաև վերահսկողական և աշխատանքների ոլորդինացման գործառույթներ՝ «բաշխելու էր մոբիլիզացիոն պլանը»¹³ առաջադրանքները Միության և միութենական հանրապետությունների ժողկոմատների միջև»¹⁴: Կոմիտեի գործունեությունն ընթանում էր գաղտնիության խիստ ռեժիմի պայմաններում: Պետք է նշել, որ գաղտնիության ռեժիմը պաշտպանական համակարգի ձեռնարկություններում խստացվել էր դեռևս 1930-ական թթ. սկզբի «ռազմական տագնապի» տարիներին:

Պաշտպանական արդյունաբերության միասնական ժողկոմատոր գոյատևեց մինչև 1939 թ. սկիզբը, երբ ԽՍՀՄ Գերագույն խորհրդի նախագահության հունվարի 11-ի որոշումով այն բաժանվեց Ավիացիոն արդյունաբերության, Նավաշինության արդյունաբերության, Ռազմամթերքների և Սպառազինության առանձին ժողկոմատների: Դրանց կառուցվածքը հաստատվեց ԽՍՀՄ Ժողկոմխորհի «Պաշտպանական արդյունաբերության ժողկոմատի տրոհման մասին» 1939 թ. հունվարի 21-ի որոշումով: Համաձայն դրա յուրաքանչյուր ժողկոմատի կազմում ձևավորվեցին մի քանի գլխավոր վարչություններ, որոնք ղեկավարելու էին ռազմական առանձին արտադրությունները՝ հրետանային, սարքաշինության, փամփուլչտների, ավիաուժերի և արկերի, ականների և նռնակների, պլաթուցիչների, պարկուճների և այլն: Ինչ վերաբերում է տանկաշինությանը և

¹³ Մոբիլիզացիոն պլան (ծրագիր, հայտ)՝ ռազմական արտադրանքի և պատվերների հատուկ պլան, որը կազմվում էր հնարավոր պատերազմին պատրաստ լինելու նպատակով: Մոբիլիզացիոն պլանով նախատեսված առաջադրանքների կատարումը հիմնականում դրվում էր պաշտպանական արդյունաբերության ձեռնարկությունների վրա:

¹⁴ Сл.у Быстрова И. В., նշվ. աշխ., էջ 147, Симонов Н. С., նշվ. աշխ., էջ 41:

ռազմաքիմիական արտադրությունները, ապա պաշտպանական արդյունաբերությունների աշխարհում զարգացման գործարաններն անցան նույն թվականին ստեղծված ԽՍՀՄ միջին մեքենաշինության և քիմիական արդյունաբերության ժողովրդական տնտեսությանը: Ընդ որում՝ պաշտպանական ոլորտի գործարանները միավորվեցին Միջին մեքենաշինության ժողովրդական համակարգում ստեղծված հատուկ «գլավկում»՝ Գլավսպեցմաշում¹⁵:

Հանրագումարի բերելով պաշտպանական (ռազմական) արդյունաբերության, դրա կառավարման համակարգի ձևավորման և զարգացման գործընթացը ԽՍՀՄ-ում 1920-1930-ական թթ. կարելի է նշել, որ այդ տարիների միջազգային համեմատաբար խաղաղ պայմաններում ԽՍՀՄ-ը վճռական քայլեր ձեռնարկեց պաշտպանական արդյունաբերության զարգացման, դրա կառավարման համակարգի կատարելագործման ուղղությամբ: Արդեն 1930-ական թթ. վերջին ԽՍՀՄ պաշտպանական արդյունաբերությունը կլանում էր երկրի տարեկան համախառն եկամտի մոտ 30%-ը: Նշենք, որ 1920-ական թթ. վերջին և 1930-ական թթ. սկզբին այդ ցուցանիշը կազմում էր ընդամենը 9-10%¹⁶: Ընդհանուր առմամբ՝ եթե 1938-1940 թթ. ԽՍՀՄ ողջ արդյունաբերության արտադրանքի ծավալն աճեց 45%-ով, ապա ռազմական արդյունաբերության արտադրանքի ծավալն ավելացավ 2,8 անգամ¹⁷:

Այսպիսով, խորհրդային իշխանության ընդամենը երկու տասնամյակների ընթացքում պաշտպանական արդյունաբերությունը վերածվեց ԽՍՀՄ տնտեսության արդյունաբերական խոշորագույն ճյուղի, սպառազինություններ մոնոպոլիզացիայի և ԽՍՀՄ-ը դարձավ սպառազինության մատակարար Եվրոպայի և Ասիայի մի շարք երկրների համար (Չեխոսլովակիա, Լեհաստան, Ֆինլանդիա, Իսպանիա, Չինաստան, Թուրքիա և այլն): Մատակարարումները դադարեցվեցին միայն Երկրորդ աշխարհամարտի սկզբին, երբ առավել հրատապ էր սեփական կուտակումներն ավելացնելու խնդիրը:

Կարելի է փաստել, որ Երկրորդ աշխարհամարտի սկզբին և Հայրենական պատերազմի նախաշեմին ԽՍՀՄ-ը հիմնականում լուծել էր երկրի ռազմաարդյունաբերական համալիրի ստեղծման կարևոր հիմնախնդիրը:

ОСНОВНЫЕ ЭТАПЫ РАЗВИТИЯ СОВЕТСКОЙ ОБОРОННОЙ ПРОМЫШЛЕННОСТИ И СИСТЕМЫ ЕЕ УПРАВЛЕНИЯ (1920-1930-ые гг.)

ХАЧАТРЯН К. Г.

Резюме

С приходом к власти большевики стали уделять особое внимание вопросам обороноспособности страны и развития оборон-

¹⁵ Տե՛ս Мухин М. Ю., նշվ. աշխ., էջ 11-13:

¹⁶ Տե՛ս Тыл советских вооруженных сил в Великой Отечественной войне, М., 1977, с. 13.

¹⁷ Տե՛ս История социалистической экономики СССР, т. 5, М., 1978, с. 55.

ной промышленности. Уже к концу 1920 г. в Советской России были заложены основы централизованной системы управления военной промышленностью, что стало залогом ускоренного развития отрасли.

Система управления советской оборонной промышленностью с 1921 по 1932 гг. сосредотачивалась в рамках ВСНХ, с 1932 по 1936 гг. — Наркомата тяжелой промышленности СССР, с 1936 по 1939 гг. — Наркомата оборонной промышленности. В 1939 г., после расформирования последнего, были образованы отраслевые наркоматы оборонной промышленности: боеприпасов, вооружений, авиационной и судостроительной промышленности, среднего машиностроения.

За короткий период из страны, ввозящей вооружение, СССР превратилась в страну, ее экспортирующую. Таким образом, к началу Великой Отечественной войны была решена задача создания советского военно-промышленного комплекса.